

呈
咨
類

隴干公牘目錄

呈咨類

呈改設兼理司法書記員等文

呈開辦貞靜女校文

呈設立保衛團文

呈設立各校並請獎文

呈設立林務會文

呈整頓警察文

附會呈立案文



呈獎開渠植樹出力各員文

呈改建監獄看守所文

附廳長批詞

呈訊結槍禁煙局案文

呈訊結縣民劉琦等因橋久訟案文

呈訊結縣民陳廷秀上訴藉公屢害案文

咨覆化平縣靜化爭界文

呈改設兼理司法書記員等文

呈為呈請示遵事民國四年案奉

廳長飭開罰金贓款等收入提解四成其餘六成准由該縣存儲

作為撥支司法經費及遞解遣犯之用並於每月計算書備考欄內

說明本月共收若干提解四成若干存留六成若干該知事勿得稍

涉隱飾致干懲戒切切此飭等因奉此^{知事}伏查甘肅各縣知事兼

理訴訟法庭未建監獄未新尚可委之費鉅莫舉至房班如故籤

崇未更以積弊深固之舊機關舊程式運用國家頒布之新法

律圓柄方鑿形格勢禁實不能脫人民之疾苦顯法治之精神
法警承發吏未設差役向不給費磕詐鄉愚為彼生計傳拘各
票未照新章舊式一票之出手續紛繁動經旬日民事受累刑犯
遠颺甚且民因事而訴於官官出票以傳案票到差手威如虎
狼往往嚇逼鄉民懸梁自刎一票之出經年不銷一案之情幻出
百種內外相蒙智者莫辨聽訟者稍不經心即致訛謬上訴紛紛
豈無故哉又如鄉愚不欲訟者能唆之訟願和解者能阻其結致
兩造欲罷不能必傾家而方息凡此差役種種惡習更僕難舉

卽有方正廉明之知事馭差嚴厲究係暫局無損毫髮彼等根
深蒂固如世業然百姓能告於前任者彼必能報復於後任故人民
咸忍痛飲恨箝口而不敢言作知事者瓜期轉瞬人存五日涼兆之
心積習相安事畏無米為炊之困雖有為宇宙間去此蠹害之心究
不能見之實行勢禁形格故也然差役亦民耳且又同井里之民耳何
故虐同井里之民以生患在思得財也思得財以遂自生養出此卑劣
舉動以苦同胞者上無費給供其事畜被積習相沿習非成是不得
不出此卑劣舉動以資生活也古者府吏胥徒祿足代耕其用意

良深矣。今欲祛此弊害，豈有他哉？亦惟有遵章檢端正之人，改充承發吏，法遊言而籌給費用，照章刊票明標膳宿費，以安其生，以杜其貪詐而已。茲擬就存留六成罰金等款，為組織縣知事兼理司法部分之費，並擬改設書記錄事承發吏司法警察各情形，及照章刊用傳拘等票各式樣，是否可行，伏候

鈞示祇遵。知事謹按縣知事兼理司法事務暫行條例第七條載：縣知事因掌理訴訟紀錄統計文牘及其他關於司法上之庶務，得置書記員一人至三人，錄事二人至五人，承發吏得置四人至六人，司法警察

以縣知事公署巡警兼充之檢驗吏得置一人或二人按靜邑自明
迄清未遭兵燹地廣民衆訟獄繁興知事蒞任匝月接訴百餘
其南境接壤伏羌秦安俗以健訟為榮舊設十房六班倚此為生而
傳呼奔走日不暇給擬除行政部分設立兩科擇用僱員糧差外其
餘管理訟案之刑戶兵工等房去其惰不事事與聲名惡劣者擇用
明達公事者五人充任錄事掌理民刑案件每月每名給工食銀六元
承發吏以從前傳喚民事案件之壯皂衛三班擇用總役六名充之
每名每月給工食銀三元司法警察以縣巡警兼充之所有前之捕快

兵三班擇其年力精壯者十五名編入巡警照章付餉令任司法警察之責收發一事即前門稿之變相今日收發之非為較前門稿變本加勵收發員未設多以派管押一人代之弊仍舊貫擬擇用文理通順明曉法理二人作為書記員每員每月給薪八元一員掌管訴訟紀錄等事一員經理收發文牘及管收待質事項再歷任寬大為政民不知法轄境遼闊械鬪時聞此案驗傷未返彼處又須往驗擬設檢驗吏二名二名每月共給工食十元如上組織庶事舉而弊除計每月共需銀七十四元擬由存留六成罰金等款內開支如有不敷之處由

知事就地籌款撥付知事為尊重法權祛除積弊起見可否動用六成存留司法經費之處伏候

鈞示祇遵房班既改作錄事承發吏司法警察舊式各票似不適用茲擬就傳拘搜查各票式樣是否可用仰懇

指令遵行所有遵照兼理司法條例擬具組織書記員錄事承發吏法警並利用各票式樣情形理合具文呈請

廳長俯賜鑒核指令遵行謹呈

高等檢察廳廳長徐

呈開辦貞靜女學校文

主為呈明核准立案事竊查靜甯人烟稠密學童衆多男校日增
女校闕如况家庭教育為學生校外得力之補助訓練人人家庭有
美善之教育斯社會無惡澆風尚之習染學童在此良善社會中
自易深造有得成為才德兼全之人材然欲家庭有美善之教育
舍設立女校造就知書明理之女生為改良舊家庭之準備外無他
術也知事蒞任後首先規定女校開辦經費已將校舍租妥爽塏新
潔之屋宇在縣城適中之地以便女生赴校步履不艱並置備棹椅購

齊書籍繼又籌得常年的款即以水洛城畜稅項下本年加增一分
學用包收錢五百串作為女校永久之常費定名為貞靜女子國
民學校於上月派人赴崇信縣聘定甘肅女子師範學校畢業女生
張毓貞為校長兼正教員張素貞為教員校外事務委勸學所
長武告成暫兼女校校長（務照料一切已於九月一號成立開學入校
女生已有三四十名之多紛紛報名者尚絡繹不絕該女士張毓
貞張素貞等本係姊妹前由省城師範畢業品學俱優隴東
社會均尚信仰以之充任校長暨教員尚堪勝任並令先由訓練

女生入手有沈靜規矩之女生然能潛心於學問有所成就其
他一切近日女校矜張奢靡之惡習概令屏除淨盡以端學習
而重風化以仰副

憲台 帥憲 廳長推廣女校熱心教育之至意所有籌辦成立貞靜女校懇請

核准立案以期久遠各緣由除外理合具文呈請

憲台 帥憲 廳長俯賜鑒核批准立案謹呈

省長 教育廳長 涇原道尹

呈設立保衛團文

呈為擬設地方保衛團呈請示遵事竊查靜甯為隴東重鎮大道
衝途行旅往來人跡混雜轄境又極遼濶其南接壤伏秦崇山峻嶺密
邇陝邊之隴沂游匪潰兵潛入時聞自清以來全境雖未一遭兵燹然駐
武員紮重兵防範稽巡亦未嘗一日稍示輕忽也民國成立防營雖裁無
軍駐紮然屢因斯地重要派駐巡防馬隊以資鎮懾迨後馬隊調省
全境並無一兵警備隊亦裁只餘二十名警言兵且又因轄境寬遠派
警言兵分布重三鎮駐紮以維治安外而廣大堅城地當孔道行人絡
繹五方雜處十餘名警言兵何能資指使而敷稽巡况又值茲冬防

喫緊兼彼陝鄰多事之秋接近陝境隴汧一帶之山徑時有混入游
匪潰兵行跡飄忽潛伏堪虞而愚民無知覩此驚惶此傳彼議咸
有戒心若不未雨綢繆設有疎虞外來之匪徒混迹境內煽惑滋
事治安前途貽患匪淺警兵雖已添募籌款實羅掘無方是
遵章籌辦地方保衛團為靜邑今日至要之急務也昭昭矣 知事
擬即遵照公布地方保衛團條例並參酌貴州省保衛團施行細
則籌設靜甯縣保衛團以輔警力之不及而為安不忘危思患預防之
地步庶於保衛治安維持秩序大有裨益連日疊與閭縣紳商士庶

等往復集議詢謀僉同咸謂非從速照章成立保衛團不足以息謠
詠而靖閭閻知事伏查靜邑庫存軍械向無快槍自前隴東鎮守使
吳涇原道尹王因靜甯地當衝繁漢回雜處為秦隴往來要道南
通天水北達朔方且東西相距鄰封甚遠護送餉鞘軍裝保衛地方
在在均關緊要當由巡防第一營撥給快槍七十桿子彈一萬二千
九百六十五顆以資捍衛等因在案足見當時視靜甯為隴東重鎮
而發給多數槍彈以護衛之者至矣迨至去年警備裁撤只留快槍
十枚子彈五百顆餘均呈解隴東鎮守使署收用似此轄境廣濶地

方重要十枝快槍實難敷四匪警兵之支配來福槍姚前任移存只
三十枝組織保衛團亦不敷用若一時概由地方備價購買此宗鉅款
更非咄嗟可立致若俟款集再領械聚團誠恐緩不濟急遺誤地方
况莊浪隆德聞有快槍二三十桿有備無患靜邑前奉發給快槍七
十枝因警備裁撤奉文呈解外今只餘十桿以轄地寬濶壤接數縣
之靜甯尚不及包在腹地蕞爾莊浪槍枝之多此靜民之所以聞謠心
驚時請領械也 知事再四思維以靜甯之地廣民衆道路四達又當
此陝鄰多故謠詠時聞之秋誠宜趁此時機整頓警察精練鄉團俾

訛言不驚四民安堵屹然為隴東之重鎮則平涼駐軍雖赴環慶合水防堵而隆靜莊會一帶均可守望相助閭閻安枕合無仰懇

憲台俯念陝鄰多故地方重要俯賜核准轉呈

大帥鑒核暫時發給快槍一十枝子彈二千枚來福槍步一百五十枚火帽

五萬鉛丸五百粒火藥一千斤以資捍衛而保治安庶靜邑城關及三十六鎮各圍均足分布應用不至徒手無械可持而閭境黎民咸惴惴於驚怖矣除俟奉

令核准後另文具領轉發應用並由知事監督認真實行舉辦外

所有擬設靜甯縣保衛團並擬請領槍彈以資應用而重地方各緣
由除呈明

大帥核示外理合具文呈請

憲台批示祇遵謹呈

呈設立各校並請獎文

呈為呈請核准立案並給獎鼓勵事竊查共和成立百度維新禦
外治內需才孔亟人才之消長卜國運之盛衰無良善之教育斷難造
就福國利民之人才以應今日時勢之需要矧茲隴表風氣遲開非限

於財力之不敷建設即缺於合格良好師資兼以辦學者不得其人或粉飾鋪張有名無實以塞責或假藉名義侮懦詐愚以取財究於國民教育有蒙養聖功之基礎於高等教育有增長知識之陶鎔實係毫不着意徒門懸一牌壁掛一板有村童七八嬉嚷其中是名雖學校實則不及私塾之整肅社會不信仰平生指摘欲求成效憂乎其難知事蒞任後察知其故節節改良用圖挽救首立模範高等模範國民模範女校三校於縣城之內為各鎮所取法樹全縣之模楷計模範國民學校籌得建築費錢八百串又常年費錢二百四十四串貞

靜女校計籌得設備費錢一百串又常年費錢五百串其他縣城第一國民及清真國民二校並水洛城高等國民二校及通遍高等國民二校威戎國民一校等亦均增學款聘良師極力整理以臻完善嗣又推之於各鎮首由知事親赴四鄉演講普及教育之原理勸導提倡鼓動社會之信仰心繼又由勸學所長武告成縣視學員王爾興勸學員李鼎芬呂仲清會計員馬承祖暨各鎮籌辦員萬錦芳朱覲光史振綱韓鳳儀岳蘊珪趙光祖蘇爾喜李子模楊生泮馬負圖席映瑞方壘李楷郭萬發李連福單世德單世禎馬殿甲米進德等

分途輪流馳赴各鄉不憚舌敝唇焦總期家喻戶曉故建築學舍則
人民樂於趨工籌收基金則捐助不難腋集計本年下學期成立朱家
店高等小學校一處計籌建築費錢一千串常年費錢三百串又
附設國民學校一處計常年費錢一百串又章麻鎮成立國民學
校一處計籌建築費錢八百串常年費錢一百串又野趙鎮成立
國民學校一處計籌建築費錢七百串常年費錢一百串又新集
鎮成立國民學校一處計籌建築費錢七百串常年費錢一百
串又計都鎮成立國民學校一處計籌建築費錢八百串常年

費錢一百串又雷大灣成立國民學校一處計籌建築費錢五百
串常年費錢一百串又甘溝鎮成立國民學校一處計籌建築
費錢七百串常年費錢一百串又高家堡成立國民學校一處
計籌建築費錢二百三十串常年費錢一百串又單家集成立清
真國民學校二處計籌建築費錢九百串常年費錢四百串又殷
屯寨鎮成立國民學校一處計籌補助費錢四十串又治平川成
立國民學校一處計籌建築費錢三百串常年費錢一百串又
焦韓店成立國民學校一處計籌建築費錢二百串常年費錢一

百串以上各校均已開學計成立高等一處女校一處國民十四處
新建校舍籌定學款遴委良師選擇學童形式務臻整潔教
授更求合法俾學童寶貴之光陰與艱苦籌集之學款不令擲
諸虛耗務求施於實際如繼任者能保持現狀數年之後雖無成
效必有可觀而今日之得以告厥成功能以呈報成立以仰副

紳憲
廳長

興學育才熱心提倡之至意者皆勸學所長武告成縣視學員王

爾興二員之力也應請破格給獎以勵賢勞其他勸學員李鼎芬
呂仲清會計員馬承祖籌辦員萬錦芳朱覲光史振綱韓鳳儀岳

蘊珪趙光祖蘇爾喜李子模楊生泮馬負圖席映瑞方壘李楷
郭萬發李連福單世德單世楨馬殿甲米進德等二十二名襄助奔
走有勞足錄又模範高等校長王寶善教員劉青藜張錫爵模
範國民學校校長王三錫教員王爾啟又水洛城鎮高等學校校
長萬士選教員李鴻烈威戎鎮國民學校校長李景芬縣城第一
國民學校校長江竟成穆志勳清真國民學校校長馬光祖教
員藍兆瑞均能盡心教誨訓迪有方並懇優予給獎以資激勸
或給予匾額或獎以褒狀均出自

高厚生成

知事

職居監督責有攸歸既提倡之無方復興辦之乏術幸

賴該員等擘畫精詳不辭勞瘁得以次第成立樂觀其成庶免廢弛之愆借盡職分之責除職教員學生一覽表暨報告清單令由勸學所依據法令分畫學區妥定名稱另表詳列呈核外再隴東交通梗阻購書不易本年為發達學務便於購書起見於勸學所內附設智羣書局籌撥開辦費用百元向上海商務書局訂購各項應用教科書籍千餘部現已由各校學童陸續購買殆盡計銷售各書約值七百餘元之多購書既易進化不難此又籌設智羣書

局便於啟迪之情形也所有籌備成立各校應請立案給獎各緣由
理合具文呈請

帥憲
廳長俯賜鑒核批准立案並祈優獎以資鼓勵謹呈

呈設立林務會文

呈為呈報成立事案奉

鈞處令開各縣設立林務會以資提倡森林一案等因奉此

知事上

年因已逾植樹節候又無良善苗木種遂一面趕造學林一處並出
示勸民栽樹一面函達天津漢中等處購買洋槐樹種籽數萬顆

橡樹桐樹種籽各數萬顆以資播種在案本年為推廣林業起見於一月一日遵即成立林務會為全縣之倡辦有頭緒再推設林業公會於各鎮鄉兼營併進以仰副

鈞處推廣林務以裕民生之至意林務會地點已擇定縣城東街關帝廟內設置已委王俊臣為林務會正會長楊芳林李秀岩為副會長馬祖培等十人為會員積極進行並劃定城內公共隙地五處為造模範林之地洋槐樹種籽已到橡桐種籽因路梗尚未寄到一俟辦有頭緒再行呈明請

示遵行所有呈報林務會成立日期並擬造模範林情形理合具文
呈明

鈞處鑒核示遵謹呈

呈整頓警言察文

附會呈立案文

呈為遵令籌辦會呈示遵事七年九月二十日奉

處長令開

云此令等因奉此

知事

遵即傳集紳商各界宣布

德意

預籌款集不累之方用期警言增防冬之備爰督率前警佐毛武超

認真整理劃區設崗增燈製服授以警言法訓以兵操雖規模粗具稍

認真整理劃區設崗增燈製服授以警言法訓以兵操雖規模粗具稍

改舊觀究內容參差完善未臻旋於八年元月五日王視察員重揆
抵靜^{知事}會同磋商傳集各界先由警款入手次及編駐方法總期款集而
以不擾事舉而費不糜以仰副

處長刷新警政勵精圖治之至意茲謹將籌款增警各情形謹為

處長一陳之謹按此次^{委員}和事^會同紳商各界擬就由秤用牙行兩項

全年抽收警捐錢四千串文又牙用增錢一百串文又契紙項下全年
抽收警捐錢六百串文又增商捐錢五百串文又豚捐錢四百串文合前
有商捐警款錢一千五百串文總計全年警款錢七千串文此籌集

警款之畧情也劃全縣為五區縣城與附郭村落劃作中區範圍東區設派出所於通瀋鎮南區設駐在所於水洛城西區設派出所於界石舖北區設派出所於單家集計遵章設警佐一員巡官二員二等巡長二名三等巡長四名一等警兵六名二等警兵十八名三等警兵四十名雇員一名伙夫七名所丁一名看夫一名共開支錢五千六十六串四百文教練所設於公所內計遵章設教練員一員以警佐兼充之又事務員一員以巡官兼充之雇員一名班長二名學警三十名共開支經費錢一百八十串文又全年服裝錢一千四百

串文油燈全年費錢二百串文公費全年錢一百五十串文臨時費以違警罰金充之此籌增警額暨設教練所並開支各費之畧情也當茲民治方新庶政待舉警務為內政之要圖稽巡乃善後之至計自應及時推廣不得圖守舊規以上各情各界一致贊同用觀厥成上副德意再前籌商捐為數既鉅茲又增認警款數百串實屬急公難能應懇 處長恩施格外給予在事出力之商會正會長李文淵副會長孫光珠公斷處劉祖禹二等獎章各一面以昭激勸而勵其餘除成立日期暨各項表冊另文呈報外所有遵會籌辦靜甯

縣警額警款大概情形是否有當理合會銜呈請

處長大人俯賜鑒核指令遵行謹呈

呈為會呈核示立案事本年元月十二日據本城商會呈稱昨奉

委員
縣長 面諭奉

處長明令整頓警政添設警額增籌警款一案遵查靜邑商業
頗小近年道梗坐困勢已不支籌款實艱敝會再四思維查有舊
日於本地買貨各戶抽收錢文名為斗底秤用者為數頗鉅亟宜化
私為公充作警費似此辦理雖未直接取於商民然間接仍由本地

商民負擔且不收來客分文於自由貿易不相抵觸縣城水洛鎮每年計可收錢四千串文等情今日又據商會呈稱擬在契稅項下全年籌出警捐錢六百串文猪稅項下籌出警捐錢四百串文又做會商同各商戶於原有警款外增加警款錢五百串文如此警額可增警費有着理合懇請

上憲立案以垂久遠等情據此委員知事謹查上項籌增各款或出自商家之樂輸或提諸牙僧之中飽既不累及民資又不難於抽集眾皆贊成自應呈報理合據情同呈請

處長俯准呈明

省長核准立案以便抽收而重警政所有會呈籌款轉呈立案各緣由
理合具文呈請

處長鑒核指令遵行謹呈

呈獎開渠植樹出力各員文

呈為遵令呈覆懇祈獎勵事案奉

帥憲訓令開獎勵植樹以重林政一案原文有案請免重敘外尾開合行
令仰該知事刻即撰擬切實佈告董勸人民認真栽植仍將示稿及遵

呼青多三子其覆以憑查考勿得視為具文此令等因奉此知事遵
專官下原女未抄故溯

在正居言專官

森林各國利藪古今中西均甚注重甘肅曠土尚

多游民亦眾山童野赤林務廢弛知斫伐不知培植有公令未有實
行土厚水深樹木能增雨量人稠炭缺枝葉可當炊薪

帥憲叠令提倡誥誡再三凡屬吏民均感

德意知事自上年蒞任後於清明節舉行植樹恭率僚掾暨學商
各界植樹西郊以開風氣又於禁煙親赴四鄉時復行傳集紳農勸
導植樹並出示保護竊伐以培利源計城鄉各鎮栽植甚多誠恐

首次試辦缺水灌溉不能成活故未敢即行呈明隨又購得造林
槐籽種萬顆並桐橡籽種各樣領得造林須知一書先令林會士紳
研究嗣於本年一月一日成立全縣林務會設有正副會長及會員多
名為全縣整頓林務之總機關積極進行再分區設立分會以資推廣
種植並擇定城內公共隙地五處由知事籌款四百串文作為造林
經費先於隙地購運白楊榆柳五千株造成小模範林為各鄉所
取法又於文昌宮後隙地依法播種洋槐萬顆並桐橡等樹為籬
形之苗圃如能成活再將樹秧推栽各鄉以廣樹藝至東西大道樹

株亦令補栽完密以蔭行旅惟植樹尚易灌溉實難雨澤愆期
枝枯葉槁知事訪聞城東舊有溉地渠道年久闕塞中間渠身依
傍於崖崖崩流斷農氏苦之遂即單騎親勘窮源竟委擬由水地
農戶醵資疏濬修壩山源防其冲決另開直渠暢其流行無崖崩渠斷
之虞有流長溉多之益計一興修間費錢不及百緡下流可多溉地數
百畝昔之旱地今則沃壤矣又於城隅引小流入城中分溉植樹各地一勞
永逸不畏燠旱地可灌溉樹可成活矣至鄉間東南分區各鎮連年
植活白楊榆柳不下數萬株如能年年增加十年之後材木不可勝

用炊薪不至難求裨益民生殊非淺鮮此次奉到

訓令當即出示優獎辦法各界歡悅咸沐

恩澤益知造林為當今急務更可踴躍從事以仰副

帥憲利用厚生注重林政之至意知事伏思此次植樹開渠在事出力

各員不無微勞足錄以及居鄉提倡紳士栽活千株以上者不有獎

勵風氣難開擬懇

帥恩所有督修渠道造林植樹在事出力之第一科科員毛武超林
務會正副會長王俊臣李秀巖楊芳林擬請各給二等銀色獎

章一面章麻鎮紳士秦繼周係裁活千株以上者擬請給予三等藍
色獎章一面以昭激勸而開風氣是否有當伏候

鈞示祇遵除林務會前已呈明大林區署立案外所有會章示稿遵
令呈費並懇祈獎勵以開風氣各緣由理合具文呈請

帥憲俯賜鑒核訓示祇遵謹呈

甘肅省長兼署督軍張

呈改建監獄看守所文

附廳長批詞

呈為呈明改良監所情形請示遵行事竊維無善無惡心之體

有善有惡意之動懲戒其意念之惡回復其本性之善者即近世
監獄是已故英國監獄之獄則儼同學校吾國東南之新監日臻
完善甘僻在邊風氣遲開前高檢廳長徐銳意興建分監各道
獄政煥然大備而各縣監獄尚待改進不有合法之敷設莫顯法
治之精神人民仍視為狴犴可畏以報復為懷囚徒仍不覺感化
所在以縲紲為苦終年閉錮何日自新欣逢

(高檢廳長范奉命來親臨)

廳長大人來撫茲土

親閱縣監誥誡獄吏訓誨囚徒指示監房制度倡導工作生涯芸
芸衆生得覩天日茫茫苦海忽現慈航是誠河朔七十餘縣監

獄囚徒悔罪自新之新紀元也

知事

上年承乏斯邑誨囚之暇繕葺牆垣

增置女監訓看役洒掃維勤監房內外較前清潔令獄吏講解善書指示織帶俱稍感悟究之圖犴在門設圈在室犯罪輕重不隔監房作工勤怠固有獎罰自新之途尚狹感化之效亦微用再竭力改進合法建設以仰副

帥

憲大人刑賞忠厚化莠為良之至意茲將籌款

改造各計畫謹一陳之伏候訓示遵行竊查靜甯外連七邑內包莊浪事因衝途而繁民以健訟為美魚之隴東一帶胥奸差惡蒂固根深賭風甚熾煙癖亦深宜於城中特建分監一所收容各鄰縣囚徒

實施感化之獄章先由賭犯煙犯差蠹訟棍四項入手是四者畏法懾服有所悔改則社會立見清明教化行而風俗美矣擬就官產項下守備署址為改建分監基礎計署價四百八十元擬請由報解四成司法罰金項下三年流攤清償再縣之北門從來封閉交通斷絕居民稀疏守備署址近在北城之隈非常寂寞正合設監化囚靜坐悔過之旨修建形式另圖繪呈此擬建分監之計畫也舊監在縣署之側距市稍遠亦絕囂塵屢經整飭現頗潔靜擬再高其門閤書懸獄額分其監房隔別執行另建工場二所令作淺近工藝如

造粉錠織帶之類為無業觸法之囚開出獄謀生之路更以前獄神祠
為獄員講演善書化導囚徒之所並令陳列囚徒工藝之成品以資
觀感改建形式另圖繪呈此擬改建舊監之計畫也看守所雖設仍
係舊日班房黑室木籠鎖項如故自知事蒞任後閱獄之餘親驗各班
押房嚴令非命盜要犯不得押籠鎖項以遂磕索並令清潔一掃舊
穢迨後呈請改設書記員錄事承發吏時已委獄員兼任看守所所
長書記員兼看守長革除收發管押房班之陋習羈押人犯及管
收待質民事被告人咸釋苦痛歎為百年來所未有惟舊所依六班

分六處殊不統一知事初到時六班約二三百人押犯亦多迨積案清釐非刑犯及強制執行民事被告人萬難保外者一概不押至藉票磕索者六班總役已辦徒刑四人革退二人其他總散判徒刑者十七八名改用新式傳拘各票標明膳宿送達各費差害之風早已擴清前之以差為業者散而入伍謀生歸田餬口不下三百人現監犯中差與鄉約居十分之七焉蓋彼曹習非成是積習已深不若斯若無聞見也况貪酷相需縱之為爪牙養之如虎狼尚有人乎一旦祛此積弊非遠利執法用重不可耳茲擬就壯班一處推廣地基改建看守所一

處內附民事管收所一處照所章實行庶刑犯在押者有專一之處
不至時虞逃脫民事待質者有管收之所不生凌虐行為改建形
式另圖繪呈此擬改建看守所之計畫也以上修建分監並改建舊
監及看守所各經費約計需款二千餘串擬由知事設法籌措以
竟全功用仰副

帥

憲大人明刑弼教注重獄政之至意所擬各節是

否允洽懇祈訓示以便督飭獄員等庇材鳩工刻日遵行所有擬
建分監暨改建舊監及看守所計畫各緣由理合具文呈明

帥
憲俯賜監核指令遵行謹呈

甘肅省長兼督軍張

甘肅高等檢察廳長党

批呈圖均悉查改良監獄為近今切要之圖所擬各節於革除積弊
籌備建設慎重衛生諸端井井有條具徵尊重人權熱心獄政極
所贊許惟該縣隸屬涇原道區正在籌建分監尅期舉辦工竣
後即可移被管收所請修建分監著從緩議至改建舊監及看
守所規畫咸宜務期督飭獄員相底於成本檢察長有厚望焉此令

圖存

檢察長党積齡

呈訊結槍禁煙局案文

呈為呈請示遵事六年十一月三十日奉

禁煙總局憲訓令第二百八十七號內開案奉

省長第一萬四百一十六號指令云至此令計粘抄原呈供摺一紙等因

奉此知事到任後遵即親往分局勘驗明確隨即檢查卷宗當於六

年十二月二十三十四十八及七年元月二日四日十一十二十三等日提集此

案一千人証連堂詳鞫此案起點實因蘇蔭槐向穆琦索取銀兩口

角扭打穆琦因之躺卧局門未能調處了結其妻賈氏聞信手執厨
刀尋局亮鬧時已初更觀者如堵並因斯時正值收麥之時外縣來
此割麥傭工之人亦眾聞此消息羣往趨視迨賈氏至局甫及櫃台有
穆琦之堂兄穆林王祥子王六勛子先上台階王祥子進局手執鞭
桿首先打壞布帳王六勛子手執鞭桿繼之打滅櫃上洋燈眾人見帳
扯燈熄一時轟動乘勢亂搶搶後四散為時甚疾損失頗鉅此知事審
理此案之實在情形也惟事經數月人颺脏消割麥傭工之人均屬外
籍搶後即逸姓氏亦無從得知現押各犯及保釋待訊各犯不下二

十餘人除王六劬子沙白子等在逃未獲並外籍割麥之人無從查覺
外即有漏網之犯亦無幾矣知事仰體

尹憲胞與為懷甯失不矜之至意念愚民無知一時錯誤雖不與重究

亦必施以懲戒俾茲事者知警而損失者氣平以免案懸日久拖累

及人擬就行政處分範圍從權辨結於沈知事已處罰款交過該分

局錢壹千叁百伍十串外再罰交該分局錢壹千肆百貳十串文作

為賠償損失之費此款即由滋事人犯及案內嫌疑入並緝捕不力之

差役等分別處罰令其擔任以結斯案伏查蘇蔭槐穆琦僅只口角

撕打並未涉及刑事輕微傷害之條對於搶局實無因果關係擬
即劃歸警察範圍處理所有沈知事前次處罰蘇蔭槐穆琦各
出錢叁百五十串之款應即一律取消穆琦之妻賈氏持刀鬧局跟隨
惡少甚衆又由其夥王六觔子先行動手致此結果應即處罰擬處
穆賈氏罰款錢叁百五十串即以穆琦前次罰款抵補不再另出王
祥子王六觔子為此案之首犯設無該犯等先行動手扯帳打燈觀
者心旌不搖決無實現攫取行為之機會擬將王祥子王六觔子各
罰錢叁百仟文並將該犯等各處拘押以昭炯戒而懲首惡惟王六

劬子現尚在逃此項罰款應令其主穆琦先行墊交將來王六劬子
獲案歸還墊款穆琦現亦避匿應由其店夥劉仲全交款完案其
次穆林沙白子馮双環王保合子楊保定子張發榮高百順王章行
翟具保等九犯或係素不安分此次搶局情節較重或係投石擊人
或係懷藏贓物或係以局丁反搶局錢均應從重處辦除馮双環王保
合子沙白子高百順子即高鐸之子等四犯前任內已處罰款錢文
免其再罰除馮双環子沙白子應處拘押外餘均予以保釋其穆
林楊保定子張發榮王章行翟具保等五犯應即各罰錢叁拾伍

仵並處拘押六個月惟沙白子一犯當日指為正犯始終未獲又馮雙
環子一犯素不安分二犯情節較重擬即處以拘押八個月俟弋獲
執行又其次高鐸即高百順子之父全興彩興發榮魏得娃馬
側張增時向榮張錫安黃育中王玉清時至春鮑書田趙双德高文
煥等以上十四犯或係搶去制錢或係拾獲銅元竇係乘隙搶錢訊
無別項情事姑念前次既已處罰交款均從寬免究應即省釋又
續獲犯孀二蠻子張裁縫王相公三犯孀二蠻子雖訊係供認拾獲煙
棒二枚獲銅元二仟文其為當時在場搶物已屬無置可喙惟該犯家

實貧寒擬處罰錢壹拾仟再處以拘押十個月俾知畏威其張裁縫
王相公二犯因賣土嫌疑雖未證實其土由搶而來然搶局以後私行出
賣蛛絲馬跡究屬可疑張裁縫擬處罰款錢五十五仟文並將煙價錢
十串責令交出王相公擬處罰錢五十仟文並各處拘押四個月其馮
从環子毛錫恩楊向儕靳義等四犯前任共罰錢壹百壹拾五仟文發
給六班總役歸還墊款知事擬即追出交付該局作為賠款至兵班總役
趙建清差役王三十子把守西門警兵毛錫恩站街警兵郭發元等
四人事前彈壓不力致釀重案咎有應得除責革永不錄用外毛

錫恩既處罰款應免再罰趙建清應罰賠錢五十串文並各處以拘押
八個月以儆玩忽六班差役事後緝捕不力致未起獲全贓其捕快責任
較之他班尤重應即從重處罰除前任已處賠款二百仟外擬即再處捕快
二班賠贓錢壹百二十五仟文其餘四班再處賠贓錢壹百八十仟文西街
鄉約王有壽鄧進明近在咫尺不施排解咎有應得責無旁貸擬
即各處罰款錢二十五仟文以為玩視公務者戒以上共計罰款錢壹千
四百二十仟拘押十六人並追回贓物眼鏡一副 知事 為息事甯人就行
政處分範圍變通處結起見於分局雖未起獲全贓而處罰被拘者

亦深知懼矣况李局長深明大義體恤備至雖受至鉅之損失亦以事
出倉卒犯是愚氓為日已久人魑脏消亦甚願不予深究以省株累而
免久懸以上所擬辦法擬候奉

令核准後再行如數催交該分局以為賠償損失之費而結懸案其拘
押擬即在看守所執行不再送監並即自羈押之日起算期滿保釋至
王六勛子沙白子馮双環子三犯仍候緝獲再行執行是否有當伏候
鈞裁核示遵行至沈知事廷彥於槍局之時委係赴平比歸之日犯多遠
颺當時蘇蔭槐穆琦因討銀口角穆琦躺卧局門藉故拚命之際前

警佐陳康未能照警章處分消禍未萌亦屬咎有應得惟查該
警佐去年查煙得力業經辭職應准從寬免議案已處結並懇

恩施格外將前任沈知事廷彥留緝字樣並蘇蔭槐穆琦違警言之咎
可否一併批准核銷伏候 鈞示祇遵所有知事擬就行政處分範圍變
通訊結此案各情形理合具文呈報

帥憲
憲台 鑒核指令遵行謹呈

甘肅全省禁煙總局
會辦 王

甘肅省長兼督軍張

涇原道道尹王

呈訊結縣民劉琦等因橋久訟案文

呈為呈覆訊結立案事四月十七日奉

憲台令開案據靜甯縣紳約劉琦劉印章劉鈞等以破壞成立妨害公益

覆陳侯萬祥等一案除原文有案邀免冗敘外尾開合亟令仰該知事傳

集兩造秉公覆判仍將判結情形呈覆查考切切此令等因奉此知事遵於

下鄉查煙時便道該鎮微服密訪親勘橋梁於兩橋之沿革公私及兩造久

訟不息之原因並遵令訊結呈明立案之情形謹為我 憲台陳之查縣志載

合河口本有橋梁之設並未指明設在何處訪之鄉老證諸舊卷俱以毛家坡設橋為最早劉家川橋民國三年方始建築兩橋相距匪遙究之行旅往來均關緊要按毛家坡橋南通天水北達靜甯劉家川橋東通秦安屬之蓮花城可往岐鳳一帶西達通渭蘭州行商馱販均必由之兩橋俱非誰何一姓之所有而為商販公共所必由是兩橋性質均可定為公橋不得以私橋相攻訐而纏訟此兩橋沿革公私之情形也當民國三年白狼竄擾甘境駐紮靜城軍隊馳援蓮花城之陷軍隊往來跋涉此河劉琦等創修劉家川之橋其初意何嘗不是熱心公益利濟軍民特是公共

義務之舉創始之初必須招集各庄公同決議鳩工庀材公平擔負方可
服衆心而成義舉乃劉琦等倉卒舉事計不及此搭橋出於強派於
祇出丁祭不問橋工之黑柴溝竟派搭劉家川橋一十四間攤派過多跡
近強迫該庄民侯萬祥伏萬全等起而反抗誓不承認遂起訟端彼此
爭持不下前任周知事國衡諭紳查勘往覆再四橋之公私迄無定論
後斷侯萬祥等搭橋六間侯萬祥等遵斷完案究未判明所搭何橋劉
琦此時即立碑書冊以堅斯案周知事祇給予博施濟衆四字並將派修各
庄名冊蓋印未幾周知事交卸侯萬祥等因劉琦等搭橋興訟拘

押受辱復上訴於前 道憲周聲稱彼等係承認搭毛家坡官橋決不
能搭劉家川私橋等情飭行袁代理知事查訊究斷該兩造訟事又
起袁知事判註劉家川橋創修於民國三年秋謂為要津何數十年前
造置弗理况搭橋屬善舉未便強派搭橋之初即構訟不休其於立碑用
岳久遠之義安在魚之黑柴溝百姓離橋三十里之遙縱令搭橋徒勞往
返斷令侯萬祥等前出丁祭錢四串減去一串每年出錢三串交於鄉
約無論官私作為搭橋之用呈請銷案在案袁知事究未註明此錢究
作何橋修搭之費在劉琦等以此錢為搭劉家川橋之費在侯萬祥等

以此錢為搭毛家坡橋之費各有所持一如前判遂復起訴於沈前任廷
彥傳訊之餘註明袁前任係以此錢斷為搭毛家坡橋之費責劉琦等
抗違官斷移搭私橋此等劣紳非提案懲戒不可如到九月不搭毛家
坡官橋提懲不貸迨知事蒞任毛家坡橋仍未修搭該候萬祥等起訴
前來知事以前任斷決兩造遵服責令鄉約趕修毛家坡橋以符原判此次
劉琦等又復上訴 憲轅是兩造爭搭久訟結怨彌深不在橋之興廢
而在訟之勝負此兩造久訟不息之實在情形也知事開庭集訊首將
該兩橋之沿革公私及該兩造久訟不息在訟不在橋之原因一一剖

切宣告開導同鎮爭訟費數倍橋捐小怨不捐仇深終釀大禍兩橋既
為公共行走之橋均定為公橋再不得以無憑無據此私彼公為爭端既
為公共同行之公橋應歸該鎮各庄分任修搭之義務毛家坡公橋斷西
山十二庄每年修搭十二庄即黑柴溝李家岔白鹿壑峴野河灣長坪陳
家南門上李家灣下李家灣高家深溝高馬兜河樊王家故堆坪是也
劉家川公橋斷南山十八庄每年修搭十八庄即下李家灣王家山水岔
李家岔西山溝黑鷹溝西張家東張家鐵家岔東老虎灣西老虎灣
陰坡裡陽坡裡王馬家關家溝魏家窩坡樊家灣李家山是也祭錢路

免分搭公橋以均勞逸而資利濟兩造遵斷具結完案判詞註明如再
翻異興訟廢弛橋工以妨害交通按律治罪此知事訊結此案兩造遵服
之情形也是否有當伏候 鈞示祇遵如蒙 允准銷案應懇

憲台批准立案以免翻異而垂久遠所有遵令訊結劉琦因橋上訴各緣
由理合具文呈請 憲台大人鑒核指令遵行謹呈

涇原道 道尹王

呈訊結縣民陳廷秀上訴藉公屢害案文

呈為呈明遵令訊結核示事案奉

憲台第三五號訓令開據該縣民人陳廷秀呈稱藉公屢害冤抑難支
懇懇提究以徹吞歎而全業產上訴總經理薛彥昌學董陳國棟等
一案原文有案請免冗敘外尾開合行令仰該縣知事遵照稟批內
事理調卷集案研訊明確究竟薛彥昌是否正紳有無藉公屢害情
事一面秉公判決一面具覆查考切切此令等因奉此知事遵即調卷詳
閱出票傳訊於八月十五日傳集兩造人等研訊一次各執一詞隨將前
王州收發給陳廷秀地照一紙令行管獄員潘宗美勸學員李鼎芳
東區巡長劉福盛會同依地照地點四至清丈明晰是否侵佔其地並佔

地若干查明核奪去後旋據該管獄員等呈復委員等文明陳廷秀照
內三畝六分三釐之川地薛彥昌所打官廩內之一畝一分二釐地係屬陳廷
秀之地又查丈陳廷秀執照內七分八釐之地計佔去地二分一釐三毫五絲
等情據此於九月九號提集兩造復訊判決兩造遵服完案當令勸學所
長武告成帶同僱員丈明地點劃交立界以杜爭端並接收薛彥昌經營
學產學款以絕訟蔓去後旋據該所長呈復所長即赴該鎮對同原被三
面查丈地畝栽立界石陳廷秀既收回劃交地段又領地內已割小麥從此
兩造遵服下場各具甘結完案等情據此知事遵將訊明斯案經過

也情形謹為

憲台一陳之伏查通鎮者縣屬戶少地瘠之山村也清同治兵燹後居民
逃亡田疇無主依善後章程能墾復承糧者即認為業主原所以重
正供而免曠土也是通鎮兵燹後得業者多係依善後章程轉移地
主權之人於法認為有效迨清光緒十九年居民生齒日繁向無人承
墾之地漸啟爭奪之機適地方官提倡義學之設該鎮紳士遂於絕產
之中思籌設學之費土地糾葛之訟端自此起矣薛彥昌以平民列
名其中時洪州牧興學為急曾藩司復賦為懷持法太嚴無所告

訴於所控之生員李祖培褫革衣頂產業充公抑遏太過後患遂深
設當時令其照章承糧繳價辦學亦何不可自茲以後因絕產辦學
涉訟者十餘年陳廷秀之父陳模亦其中被訟之一人也而此十餘年間
興訟辦學悉由薛彥昌一人主持辦事恠切民怨沸騰迨至張州牧時
該鎮紳民羣起稟訐之陳廷秀又其中稟訐之一人也張州牧因衆怨叢
集以報銷不實跡近侵蝕取銷管理學務之職另委管理之人薛彥昌
遂杜門不出而閭閻風平浪靜矣此十餘年中即使薛彥昌藉學苦
民亦由洪州牧曾藩司任情施法有所庸心於其間釀成其暴戾眦

睚也山僻村民讀書者少薛彥昌更非學校中人辦學何有成效
薛退繼之者未能努力而學務益廢弛至上年春沈前任欲振興通
遍學務起用薛彥昌為學董繼任為東五鎮總經理薛彥昌又呈
請於通通一鎮委任不識字無品行之陳國棟陳義任良玉李萬福為
學董修建籌款任意處分不知學章為何物凡事直接監督不經
勸學所商酌即武斷行之陳廷秀乃其宿怨之仇家當茲薛彥昌
復辦學務之時以怨報怨勢胡能免首由學董陳國棟稟陳廷
秀侵奪學產於沈前任繼由總經理薛彥昌學董陳國棟任良玉

李萬福等復以土豪破壞學務割佔官產訴陳廷秀於張省視學員
卒之陳廷秀上訴

憲轅令奉委員會同沈前任訊結呈明 省長在案該民陳廷秀仍不服判

決查經上訴復蒙 憲台俯恤民隱令行提案研究知事伏思此案關鍵

在陳廷秀是否侵佔學產地之是公是私在按執照地點四至清丈明晰
自能分其公私如地為陳廷秀照內之地自是薛彥昌等藉公報復若
地為陳廷秀照外之地自是陳廷秀侵奪學產隨將王前任發照卷
宗查出與陳廷秀呈驗執照核對無訛當處管獄員潘宗美等前赴

該鎮三面履勘傳集兩造按照執照地點清丈明白其地實係照內之地計上年薛彥昌等稟許充公於照內院背後相連場一段地七分八釐內佔去二分一釐三毫五絲又於照內川地一段地三畝六分三釐內佔去一畝一分二釐是當日薛彥昌等稟陳廷秀侵佔學產者今查丈明晰乃薛彥昌等藉故將陳廷秀領照之地充入學堂以洩私忿復查沈前任朱委員會同呈明認陳廷秀乃侵佔公地充入學堂所持理由其文曰查由陳耀先歸回學堂之上院與陳廷秀領回之院僅隔一牆當學務無人經理時該陳廷秀意存侵佔開通後牆將後節空地佔為已

有又驗得陳廷秀之父於光緒二十六年九月十二日在前任王牧任內領有執照註明地基四至計房屋十三間荒地半段佔地三分五釐東至官街為界西至場為界南至黃姓牆為界北至張姓牆為界界限分明不容侵越且圖載此二院並列長短均齊則上一院後半之空地地理歸學堂管業該陳廷秀何得乘間侵佔以故薛彥昌有稟官查究之舉總之薛彥昌經理學務查究學產是其專責詎可謂之假公而陳廷秀侵佔學產昭然若揭稟官查辦理所當然亦豈得謂之串害當經委員等斷令下一院既經該民贖回仍照前任張牧光緒三十二年十二月十三日所發執照管業至學堂應

得陳廷秀原交之一百二十五串由知事廷彥向房查究追給學堂其
張姓絕產內上一院之後節空地為陳廷秀侵佔者限即日退出交學董薛
彥昌經理以重公產該告陳廷秀避不到案令其弟陳廷效來堂代質委
員等判決後當即宣布該代質人陳廷效俯首認咎當堂具結完案等語
此沈前任朱委員會同訊結之理由也謹按上項理由實屬誤會逐條註明
則水落石出第一引証照內荒地半段佔三分五釐之誤會查照內首列宅
院一所次列荒院半段佔地二分五釐該呈文內誤書為荒地半段佔地三
分五釐誤院為地誤二分為三分如使照內再無領地自係侵佔特照內

除上列兩項外尚列有院背後相連場一段佔地七分八釐川地一段合地三畝六分三釐由薛彥昌等稟訴侵佔公地充入學堂者即上二項地之各一部分也當時如派員按照內各地四至實地清丈自難清混如聽一面之詞指鹿為馬只引照內荒地半段定案其他所列領地並不注意亦不俟陳

廷面指質証據為判結不無疏誤之處此次委員三面查丈明晰在此不在彼此前呈引証地點未能照與地丈對明白以致誤會之實情也第二引証陳廷秀開通後牆侵佔空地之誤會查執照內第三項列有院背後相連場一段佔地七分八釐四至明瞭並聲明院背後相連場一段按其四至清

丈並按照內第四項列有川地一段合地三畝六分三厘之四至清丈實在
當日陳耀先歸還學堂上一院之背後是上一院雖歸學堂院後實
無隙地何得如該呈文所云陳廷秀意存侵佔開通後牆將後節空地
佔為己有等語該陳廷秀如非於領地內處分開牆當時辦學者有
人豈不過問止阻尚待數年後方追究乎此又前呈引証開牆佔地因
未實地清丈臆斷懸測之誤會也第三引証圖載兩院長短均齊之無據查
遍查各卷均無院圖從何知其長短均齊如係兩院長短均齊當王州牧
於陳廷秀之父陳模領照時曾派戶科胡存查丈明晰開單稟明備案

方始填發執照如將上一房房後之地文為陳模領地該薛彥昌彼時
為辦學之人如何默不一言至今日方指他人照內地為侵佔乎如果
有圖更何能清况領為己業承糧二十餘年之地即發現院圖其地之
所有權依法亦難有效况無圖乎此前呈引証圖載無據之實情也據
右事實與理由前呈判決之理由應予撤銷當堂宣布該薛彥昌陳國
棟等俯首認咎無言可答至薛彥昌聲稱陳廷秀未交下一房修捐錢
一百二十五串一節即前會呈中所云至學堂應得陳廷秀原交之一百
二十五串由知事廷彥向房查究追給學堂是也夫所謂向房查究則

其款必已交房年遠事湮交於何處誰得而知况前清法例款不交清
不給執照此一定之手續今陳廷秀既領有張州收發給之執照其錢必已
交房無疑此前任會同查訊時不迫陳廷秀交款者豈無故乎即使學堂
果未領得此錢於陳廷秀何涉再查此下一院房宅既由陳模在王州收任
內領為己業有照可憑其後薛彥昌稟其侵佔院宅充公給陳模修理
錢九十五串文租人取租充蒙學經費張州收時其子陳廷輔即陳廷秀
稟請贖回再捐錢三十串共一百二十五串文將薛彥昌領照塗銷另與
陳廷秀發給房宅執照一紙只書明宅院一所未及地畝因此次只將王州

收照內院宅充公未及地畝故也陳廷秀稟呈藉公屢害者由此觀之不為
無因也知事擬判上年因薛彥昌等稟許由學堂佔去陳廷秀照內院
背後相連場一段佔地七分八釐內之地二分一釐三毫五絲又佔去照內川地
一段合地三畝六分三釐內之地一畝一分二釐派勸學所長面丈劃交恢復
陳廷秀已失之所有權至贖回院錢一百二十五串陳廷秀已交不能再令
繳納沈前任朱委員引証訛認實屬誤會亦無故入人罪之心况該學
董等指鹿為馬淆亂聽聞審判官稍不細心亦易誤會其失察處分
應請從寬免議薛彥昌辦學慘切怨聲載道如能潔白公正何至

民怨喧闐即辦學出力亦屬瑜不掩瑕前既奉 令撤銷總經理應
請從寬免治其罪再該薛彥昌此次深知悔罪自新辦學多年不
無微勞所有獎章並懇 恩施格外免其追繳以示寬大而全體面至
通通學產學款應遵章提歸勸學所經理以專責成該薛彥昌
等永不准再管通通學務亦不得與陳廷秀彼此挾嫌報復興訟
不休應祈 俯賜立案如有違犯依法治罪以斷訟蔓而重學務再薛
彥昌稟請沈前任委任之學董陳國棟陳義任良玉李萬福四人狐
假虎威苛虐鄉愚薛彥昌之聲名惡劣該學董等與有力焉除

李萬福因案判處徒刑當然褫奪外其餘三學董應一律革退從寬免究誣告之罪不准再干預學務由地方官嚴加管束以儆效尤此知事遵令訊明此擬懇從寬依行政處分判結之大概情形也是否有當伏候鈞示祇遵再此案前曾呈明

省長備案此次撤銷前判另予判結前後不同如蒙

核准仍懇

憲台轉呈

省長鑒核立案以免翻異而重學務所有遵令訊明陳廷秀以藉公

隻害等情上訴薛彥昌等擬從寬判結各緣由理合具文呈請
憲台俯賜鑒核指令遵行謹呈

涇原道道尹王

呈悉該縣判決此案從根本上着手自能允愜應准飭科立案以免
翻異餘均如議辦理仰即知照此令

再呈省長核准立案已奉令批准

咨覆化平縣靜化爭界文

為咨覆事七年元月二十三日准

貴縣咨覆內開本年元月七日准貴縣咨開案准敝縣據西南關山東面炭
戶老吳報稱通遍鎮警察什長何得功警士李吉安等越界查山一案除
原文不敘外尾開相應備文咨覆貴行政長查核見覆等因准此查此案前

准 大咨敝縣以為該區警察人等誤認地界致此錯失當將該巡長等分

別撤革一面另派巡長前往查辦一面具文咨覆在案嗣據敝屬通遍野趙

紳耆薛彥昌趙光祖等稟稱竊查本鎮地界入全稟等情據此當即批

令併案碼查去後茲據敝屬新東^委五鎮巡長楊芳林呈稱案奉縣長訓令內

開入全呈等情據此竊查此案關係管轄不得不詳細查勘以清界綫而

派爭端敝縣當即考查甘肅全省新通志按輿地志內載靜甯縣境內陳家洞在州東南距陳家洞南五里即葛家洞二洞皆州南之大觀等語來咨所指之關山即此陳葛二洞之主山也並非關山也所指分水嶺此山並無分水嶺即如來咨謂為分水嶺亦即此二洞主山分陰面陽面之分水嶺並非關山之分水嶺也況此關山之分水嶺係貴縣與隆德分界之地點一在境之南一在境之北更非與敝縣分界之地點輿圖具在可復按也豈有山之洞屬靜而山屬化之理乎又查新通志輿地圖靜甯縣地圖內繪葛家洞山綫全山屬靜並不屬化此者查陳葛二洞之主山按輿圖所繪輿地志所載均應歸靜之

鐵証也亦即楊巡長查呈所謂靠西南山屬靜甯東北山屬化平是也該巡
長所云西南山即陳葛二洞主山也所云東北山即陳葛二洞山對面之關山
也又考查甘肅全省新通志按輿地志內載隆德縣境內有涼殿峽在縣南
七十里為元太弟避暑處等語來咨所指之陳葛二洞主山分水嶺迤東
為化平管轄者殊不知關山與陳葛二洞主山之中間尚有隆德涼殿峽
一道為靜化分界之鴻溝且有靜氏韓尚達祖置山庄每年在隆德完
糧並契據可証豈有越過隆德之境地而能佔他境之半面山麓乎亦
即楊巡長查呈所謂二山相對中有涼殿峽一道是也又考查甘肅全

省新通志輿地志內載化平廳境內有隴山一名關山在廳西南十里綿互
境內東北諸峯皆其山麓等語遍查無有陳葛二洞山並涼殿峽者
又查新通志輿地圖內繪化平轄境與靜甯分界之處距陳葛二洞之主山
尚遠又係以關山為分界之點而附近又有老龍潭為不可移動之鐵証
亦即楊巡長查呈所謂東北山屬化平者是也準以上各種理由証據陳
葛二洞之主山委係靜甯所屬毫無疑義是徹縣西北境與隆德謝家庄
分界迤西由佛崖灣之西南至西溝小吊溝水溝紅纓溝等蜿蜒以踰石
獅河至二龍王河分界止二龍王河即龍家峽峽即兩方面其山均屬靜

甯其山之東北即涼殿峽峽間之地全屬隆德而山之分界處亦即平涼
府志內靜甯志載又三十里曰龍家峽墜華亭矣靜甯縣志載東南凡
一百二十里接華亭界之林家峽林家峽即龍家峽也峽之西涼殿峽中有
一河河東之山即關山也以新通志輿圖所繪界綫為準繩由分水嶺直劃
而下則此關山之東面仍屬隆德而此山之陰面方為化境也是炭戶老吳並
匡大爺等由化境關山之陰漸次至關山之陽更由關山之陽踰涼殿峽之河
到靜境之陳葛二洞至山之陰並附近山陰之山麓西溝小吊溝等處斫伐
森林開窯燒炭此次有人報告散縣通遍鎮薛彥昌稱有匡大爺在彼

私開炭窰該紳因奉有查護森林之責遂同警往查該窰戶以既屬靜地
照在化納租例願每窰納租若干補助該鎮學款正收租時適 貴縣差
役亦到云係化境做縣去人云志書可証遂邀同貴縣差役同到通遍討
論地界並無縛差情事恐係誤報此即此地靜化分界之地點與此次該

鎮紳警查山收租之實情也做縣竊思疆界毘連彼此易於誤越鄰封厚

誼讓與無闕重輕惟全省新通志為國家規定疆域認為依據之典籍
全省人士奉為分疆別界之準繩其內繪列各縣地圖更屬從前叅謀部派
員分赴各縣履境測繪之圖分毫無有錯謬而亦全省奉為至當不移

之版圖陳葛二洞之主山兩面及其附近涼殿峽西之蜿蜒各山麓均屬靜甯
管轄之地查經閣縣紳耆往復查勘委無舛錯誤會應請 貴縣再賜查
究將新通志所載各節所繪各圖詳為細釋窮源竟委核察明確如微
縣列舉無訛即請將涼殿峽河西之陳葛二洞主山之陰一帶山麓概行騰出
令窰戶移往他處燒炭以清界限至年來斫伐森林亦屬愚氓無知不
諳地界所致並非有意越境侵佔亦應不究既屬靜山已交窰租應作
為賠償年來斫伐林木之損失用昭公允再 貴縣長前咨所稱並將
查煙差役馬生榮一併帶去一事微縣新派楊巡長芳林查明實係

紳董請其同到通遍討論境界歡來悅去實無別故况前巡長等
雖經撤縣當日因來咨稱其越境查山當即一併撤革然其人尚在可
以質對此件應即無庸置議准咨前因所有查明山界委係屬靜各
情形相應咨覆

貴行政長查核見覆施行此咨

